



REPUBLIKA E SHQIPËRISË
KUVENDI
Komisioni Parlamentar për Integrimin Europian

Dokument Parlamentar

RAPORT

PËR
PROJEKTLIGJIN “PËR NJË NDRYSHIM NË LIGJIN NR. 61/2012 “PËR
AKCIZAT NË REPUBLIKËN E SHQIPËRISË”, TË NDRYSHUAR”

Komisioni për Integrimin Europian (në vijim Komisioni), bazuar në Nenet 18, 32, 34 dhe 38 të Rregullores së Kuvendit të Republikës së Shqipërisë, në mbledhjen e zhvilluar në datë 22.11.2018, me cilësinë e Komisionit për dhënie mendimi, mori në shqyrtim projektligjin “*Për një ndryshim në ligjin nr. 61/2012 “Për akcizat në Republikën e Shqipërisë”, të ndryshuar*”.

Për paraqitjen e këtij projektligji, në mbledhje ishte e pranishme Ministria e Financave.

1. Qëllimi

Qëllimi i këtij projektligji është:

- ndryshimi i nivelit të akcizës për produktin e duhanit të grirë, purot, cigarillos dhe cigaret me zëvendësues duhani;
- shtimin e një produkti të ri “duhan me ngrohje”, në listën e mallrave të akcizës;
- heqja nga lista e mallrave të akcizës fishekzjarrët, llambat, pilat/bateritë dhe rëra bituminoze;
- vendosja e akcizës për produktin “zhavorr bituminoz”;
- saktësimi i metodës së përlllogaritjes së akcizës për produktin nikotin lëng për mbushjen e cigareve elektronike;
- ndryshime në Kreun e shkeljeve në fushën e akcizës dhe sanksionet.

Plani Kombëtar për Integrimin Europian

Projektligji “Për disa ndryshime dhe shtesa në ligjin nr. 61/2012 “Për akcizat në Republikën e Shqipërisë” të ndryshuar” është i parashikuar në Kapitullin 16: TATIMET”

1. ASPEKTET PROCEDURIALE TË PËRAFRIMIT

- Neni 70 i MSA-së njeh rëndësinë dhe parashikon detyrimin e përafrimit të legjislacionit Shqiptar me atë të Bashkimit Europian;

- Neni 17, pika 2 e ligjit Nr.15/2015 “Për rolin e Kuvendit në procesin e integritetit të Republikës së Shqipërisë në Bashkimin European”, përcakton se projektligjet e paraqitura nga Këshilli i Ministrave shoqërohen me tabelën që analizon shkallën e përputhshmërisë me të drejtën e Bashkimit European;
- Neni 68, pika 2 e Rregullores së Kuvendit të Republikës së Shqipërisë parashikon që Projektligjet duhet të shoqërohen me një relacion shpjegues, i cili përmban vlerësimin e harmonizimit të projektligjit me legjislacionin e BE-së.

2. ASPEKTET MATERIALE TË PËRAFRIMIT

Acquis e BE-së që përafrohet nga Projektligji i propozuar:

Legjislacioni parësor i BE-së:

- Traktati mbi Funksionimin e Bashkimit European (TFBE): Nenet 110 (ish-neni 90 i TKE) dhe 113 (ish-Neni 93 TKE),
- Marrëveshja e Stabilizim Asociimit Shqipëri-Bashkim European (MSA): Neni 98 “Tatimet”.

Legjislacioni dytësor i BE-së:

- Direktiva e Këshillit 2011/64/BE, datë 21 Qershor 2011 “Mbi strukturën dhe normat e akcizës që aplikohen për duhanin e prodhuar”.

Niveli i Përafrimit: I pjesëshëm.

Shkalla e përafrimit të projektligjit të paraqitur me Acquis të BE-së është e pjesshme. Pra, projektligji në fjalë është në përputhje (nuk bie në kundërshtim) me dispozitat e burimeve parësore dhe dytësore të Acquis të BE-së të lartpërmendura, por nuk është në përputhje me të gjitha parimet që rrjedhin prej këtyre dispozitave.

3. SHQYRTIMI I PËRPUTHSHMËRISË SË DISPOZITAVE TË PROJEKTLIGJIT ME ACQUIS TË BE

Nga shqyrtimi i përputhshmërisë së projektligjit të propozuar me *acquis* të BE-së rezulton se për një përafrim më të saktë me legjislacionin e lartpërmendur është e nevojshme që në tekstin e tij të bëhet shtesa si vijon:

1. **Shënimi në fund të faqes që lidhet me titullin e projektligjit të riformulohet si vijon:**

“Ky ligj është përafuar pjesërisht me Direktivën e Këshillit 2011/64/BE, datë 21 Qershor 2011 “Mbi strukturën dhe normat e akcizës që aplikohen për duhanin e prodhuar”, Numri CELEX 32011L0064, Fletorja Zyrtare e Bashkimit European, Seria L, Nr. 176, 5 Korrik 2011, faqe 24-36”.

Komisioni, pas shqyrtimit të projektligjit e miratoi atë shumicë votash.

**NËNKRYETAR
BLEDAR ÇUÇI**